



Pa esnan cu a lubida:
**MIKE EMAN TA AUTOR Y
TATA DI CAFT, HULANDA
KIER EXPANDE CU
RIJKSWET**



ABOGADO DI DE MEZA:

**"TIN COS CU DE
MEZA NO A VERDIENT
SCHOONHEIDSPRIJS"**

Ta admiti cu De Meza a haci cosnan cu no ta limpi of no corecto

**MIKE DE MEZA (AVP)
KIER HIBA PARTIDO
FUTURO CORTE**

“E bol di hilo ta bon conopa”

**PARLAMENTARIO XIOMARA
MADURO TA CONDOLEER ARUBA
CU PERDIDA DI E “VOZ DI ORO”
SEÑOR JOSSY BROKKE**



**PARLAMENTARIO ENDY CROES:
PABIEN ARUBA CU BOSO LOGRA
NA CARIFTA GAMES**

Pabien Wyndel Beyde, Christiaan Jansen y Asher Patel y
tur nos medayistanan di Aruba Aquatics Federation



ATIA, CUA Y AHATA TA DESEA PA GOBIERNO EVITA DESPERDICIO DI FONDO PUBLICO

Gremionan Comercial, AHATA, CUA, y ATIA, a tuma nota cu Gobierno di Hulanda ta hisando interes riba Aruba su debe di AFL 900 Mion, pa motibo cu Aruba no a cumpli ainda cu un ley nobo di Reino relaciona cu supervision financiero. Segun acuerdo existente, pa 1 Mei e ley nobo mester ta entrega na Tweede Kamer y indicacion ta cu ainda dialogo ta tumando lugar entre Aruba y Hulanda riba e texto di ley. E gobierno anterior ya a nenga e oportunidad pa logra un interes abao di 3.4%. Resultado di e

decision tabata un interes hopi mas halto di 5.1%, cu ta gasto grandi adicional pa Aruba.

Awor cu gobierno actual no a cumpli ainda cu e acuerdo cu Hulanda, e interes lo por subi mas ainda na 6.9%.

Ademas tin debe internacional di casi AFL 434 Mion, cu tambe lo por a refinancia via Hulanda na un interes mas abao si logra cumpli cu e acuerdo.

E gasto adicional di e diferencia entre interes di



3.4% y 6.9% ta un total di AFL 268 Mion.

CUA, ATIA y AHATA, como representante di dunador di trabao y bos pa sector priva, ta considera e interes mas halto como desperdicio di fondonan publico cu nos

comunidad ta traha duro pa genera pa nos aparato gubernamental.

Ta urgi nos gobierno pa evita e fayo financiero y finalisa e proceso cu Hulanda pa e ley nobo di supervision financiero di nos pais.

Clasificados

SOLODIPUEBLO@GMAIL.COM
CEL. 585 9500

Feliz dia di REY!

**ATTORNEYS AT LAW
ABOGADOS**

ARULEX
TRUST & CORPORATE SERVICES

Pa esnan cu a lubida: MIKE EMAN TA AUTOR Y TATA DI CAFT, HULANDA KIER EXPANDE CU RIJKSWET



e acuerdo aki tabata e prome paso pa e control cu ta existi awor y cu Hulanda kier expande via ley di Reino (rijkswet). Cualquier chabelito cu kier insinua otro cos, ta nada otro cu storia y inventos. "E ta e tata di CAFT!"

Mike Eman cu semper a presenta su mes como un luchador pa autonomia di Aruba, ta e mesun persona cu a pone e piedra

fundamental pa e sistema di supervision cu ta restringi e independencia financiero di pais Aruba. "Esaki ta hipocresia na su maximo nivel," un analista politico a declara. "E mesun persona cu a grita 'Separacion!', na 2015, a firma e acuerdo cu a duna Hulanda mas poder pa controla nos finanza. Awor e rijkswet ta simplemente e siguiente paso."

Oranjestad – E ex-premier di Aruba, Mike Eman, ta e autor y promotor principal di e sistema di supervision financiero cu awor Hulanda kier via un rijkswet. E foto aki ta muestra claramente con Eman a firma e acuerdo pa e supervision financiero na 2014/2015, durante su mandato. Tabata algun

luna despues di welga di hamber y despues cu el'a haya un KB di Hulanda. E documento, cu a wordo firma entre Aruba y Hulanda, ta e base cu awor ta wordo usa pa hustifica e intervencion mas fuerte den asuntonan financiero y fiscal di e pais. Fuentenan den gobierno ta confirma cu

Feliz dia di

Rey!

En conexion cu Dia di Rey
nos oficina ta cera pa publico:

Dialuna, 28 di april 2025
Diamars, 29 di april 2025

Nos lo ta habri bek pa duna
bo servicio segun nos orario
regular di oficina desde
Diaranson, 30 di april 2025.

APFA ta crea awe balor pa mañan

Paga bo cuenta
online ta facil

Sea
Abonnement
of Aviso

Pago online,
facil y lihe

Pa hasi pago online pone number y adres na
cuenta di banco RBC Sunmax Printing
account # 7700000100152447

CONDECORACIONNAN REAL 2025

Diabierna 25 di april 2025 pa 7'or di mainta (ora local) a publica e edicion special di Staatscourant incluyendo un lista di e personanan na kende a otorga un Condecoracion Real e aña aki. Tradicionalmente e momento festivo aki, tambe conoci como Ocasion General, ta relaciona cu e cumpleaño di Su Mahestad, Rey Willem-Alexander, cu ta e Granmaestro di e condecoracionnan. Un condecoracion por wordo otorga na personanan cu a haci un contribucion special na sociedad. E aña aki lo condecora 19 ciudadanonan di Aruba. E

'Lintjesregen' na Aruba lo tuma luga awe. Lo condecora e siguiente personanan como 'Lid in de Orde van Oranje-Nassau':

- Sra. Bernadetta Imelda Akoy-Anetia
- Sr. Carlos Bertram Bislip
- Sr. Herman Anselmo Brown
- Sra. Ustelle Maltica Cornet
- Sra. Glenda Iluminada Croes-Tromp
- Sr. Robert Robinson Falconi
- Sr. John Franklin Flemming
- Sra. Lorencia Geerman
- Sra. Sharine Marie Lisette Geerman
- Sr. Juan Robertico

Hernandez

- Sra. Emely Hernandez-Faro
- Sr. Reinwald Roderich Lopez
- Sr. Edwin Nicolaas Orman
- Sr. Hector Genaro Perez
- Sra. Maritza Brendelin
- Rasmijn-Maduro
- Sr. Amado Eulogio Rosina
- Sr. Rentje Schutter
- Sr. José Werleman
- Sr. Dewese Andrew Young





Cas di Max
Mueble y mas



Cas di Max

*Famia di comerciante local
Netamente Criyoyo!
Ta manda un
Hiep, Hiep, Hoora!
Aruba un Felis
Dia di Rey*



CELEBRACION DIA DI REY Y ENTREGA DI COPA ROTATIVO GOBERNADOR FELIPE B. TROMP



Gobierno ta invita pueblo di Aruba pa asisti na e celebracion di Dia di Rey cu lo tuma luga diasabra, 26 di april, cuminsando 8:30 di mainta na Parke Wilhelmina.

Durante e acto oficial lo tin presencia di Gobernador S.E. Alfonso Boekhoudt, Ministernan di Gabinete AVP-Futuro, Miembronan di Parlamento, y demas invitado.

E celebracion lo habri cu un acto protocolario, incluyendo inspeccion militar, discurso di S.E. Gobernador Alfonso Boekhoudt sigui pa Presidente di Parlamento sr. Marlon Sneek y Prome Minister Mike Eman. Ademas lo tin presentacion di baile di grupo Kids & Youth in Action y canto di

Reanne Ras y Stephany Quandt.

E actividad lo culmina cu e entrega di premio "Copa Hubenil Gobernador Felipe B. Tromp" y medaya pa un miembro di Arumil. Ta urgi comunidad pa tuma nota di e cambio di trafico riba e dia aki entre 7'or di mainta pa 11'or di mainta. Lo desvia trafico den direccion pabao na e crusada di L.G. Smith Boulevard-Adriaan Lacle Blvd, via Wilhelminastraat, y por subi L.G. Smith Boulevard bek na altura di Royal Plaza. Lo desvia trafico den direccion pariba na e crusada di Ex-DOW y por subi L.G. Smith Boulevard na altura di Irenestraat bay ariba.



PREMIONAN DI ESTIMULO COPA HUBENIL GOBERNADOR FELIPE B. TROMP

Anualmente ta otorga e premio Copa Hubenil Gobernador Felipe B. Tromp na un hoben of organisacion hubenil cu a destaca durante e aña anterior. E logronan por ta riba tereno social, cultural y deportivo. E logronan por ta premionan gana, pero tambe esfuersonan pa traha riba propio formacion y tambe haci trabou boluntario den comunidad bou guia di lidernan adulto.

Fuera di e premio grandi, e comision ta otorga tambe un premio di estimulo. Manera e palabra ta bisa, pa stimula e hoben of organisacion pa sigui cu e bunita trabou.

Den categoria di Premio Pre Hubenil, esta di ocho pa diesdos aña e premio di estimulo ta bay pa Melaiska Woodley di diez aña. Melaiska a nace na Hulanda di descendencia

Haitiano y ta biba na San Nicolas cu un amor grandi pa e cultura di Aruba. Su talentonan ta modela, baile, basketball y atletismo y ta un mucha inspirador den su bario. El a haya e bunita reconocimiento cu un mural na San Nicolas, esta un pintura di su persona riba un muraya realisa pa e artista Sabotaje Al Montaje den cuadro di e Proyecto Aruba Art Fair. E ta conoci den su bario pa



ta un fuente di inspiracion pa otronan.

Feliz dia di
Rey

Koning Willem Alexander

Feliz dia di Rey Aruba,
Lang Leve onze Koning,
di parti di
UTILITIES ARUBA - AWSS - ELMAR - WEB

27
april
2025

Partido MEP:

MIKE DE MEZA (AVP) KIER HIBA PARTIDO FUTURO CORTE

“E bol di hilo ta bon conopa”

ORANJESTAD - Mike de Meza a informa prensa cu si pa dialuna DIMP no cambia su consejo, cu e lo hiba DIMP, Minister Geoffrey Wever (FUTURO) y Gobierno di Aruba (AVP) corte.

Berdad ta cu de Meza no a cumpli cu ley di screening, cu por cierto a wordo aproba y acepta den parlamento cu 19 voto na favor incluyendo de Meza su propio voto pro!

Mike de Meza a viola e ley di screening su articulo 8 inciso 1, sub a y sub g.

Violacion 1:

A bin resulta cu pa e por a bira Minister den pasado el a yega na un acuerdo di pago cu DIMP e tempo

aya, pues ya tabatin debe cuantioso habri cu Impuesto.

Violacion 2:

El a yega na un acuerdo di pago cual tampoco e no a cumpli cu ne.

Violacion 3:

El a evadi (ontduik) belasting bendiendo un compania cual benta e no a informa DIMP.

Pues Mike de Meza cu pa colmo tabata Ministro di Finanzas, esun responsabel pa a hundi Aruba den debe, esun encarga cu DIMP, a viola tur regla di un bon comportacion fiscal ademas di ‘ontduiking’ cu ta un delito penal.

Awe de Meza kier hiba Gobierno di Aruba esta AVPyFUTURO corte, cu ta un indicacion contundente di con pesimo e relacion entre e dos partidonan aki ta. Formador Gerlien Croes a drenta su cueva di silencio hermetico pasobra cu ta conoci cu

ta e dos formadornan ta dicidi si Mike de Meza por bira Minister. Y Mike de Meza sa cu ta Mike Eman y Gerlien Croes ta sigui tene na liña.

No lubida cu Mike Eman tambe a faya screening pa transferencianan dudoso

di sumanan cuantioso. Pero Gerlien Croes asina mes a permitie bira Minister. Pues ta bisto cu ta e dos formadornan mes ta hungando wega cu de Meza cu e speranza cu e lo cansa y acepta un puesto di director un caminda.



LANG LEVE DE KONING

Feliz Dia di Rey



Artikel 8

1. De formateur bevordert geen voordracht tot de benoeming van een kandidaat indien:
 - a. de voordracht zich niet verdraagt met de uitkomst van enig in artikel 2, eerste lid, bedoeld onderzoek;
 - b. de formateur zich niet kan verenigen met de afspraken, bedoeld in artikel 12, eerste lid;
 - c. zakelijke belangen, nevenfuncties of nevenwerkzaamheden van gezinsleden van de kandidaat, voor zover deze niet op afstand zijn gezet respectievelijk zijn neergelegd, naar het oordeel van de formateur afbreuk zouden kunnen doen aan een objectieve en onpartijdige besluitvorming of zouden kunnen leiden tot onwenselijke vermenging van belangen bij de uitoefening van het ambt van minister;
 - d. de kandidaat gedurende de periode van acht jaar direct voorafgaand aan de voordracht is veroordeeld wegens een misdrijf;
 - e. de kandidaat verdachte is in een lopend strafrechtelijk onderzoek ter zake van een misdrijf;
 - f. de kandidaat niet of niet tijdig een regeling treft om zijn zakelijke belangen op afstand te zetten, dan wel nalaat zijn nevenfuncties en nevenwerkzaamheden op te geven;

Pagina 8

Afkondigingsblad van Aruba 2021 no. 203

- g. de kandidaat geen regeling betreffende de betaling van belastingen of premies heeft getroffen of een zodanige regeling niet of niet volledig is nagekomen;
2. Indien een kandidaat niet zal worden voorgedragen tot benoeming als minister, deelt de formateur hem dit zo spoedig mogelijk schriftelijk mee onder vermelding van de reden daarvan.

BIN CELEBRA DIA DI REY NA KAPEL DI BETHANIA

Fundacion Kapel Bethania (FKB) y Delegacion Hubileo 2025 a uni pa un tremendo celebracion di Dia di Rey, diadomingo 27 di april binidero y e orario ta 10:00 am – 3:00 pm.

Di parti di FKB ta bay tin

oportunidad pa bishita e kapel y e exposicion di “Vestuarionan Liturgico”, ta bay tin Koffiemorgen, cumindanan crioyo y un bar bon surti.

Di parti di Delegacion Aruba Hubileo 2025 lo tin



Dia di Rey
27 di april
Kapel di Bethania
10:00 am – 3:00 pm

Lo tin un grandioso FERIA Familiar special pa nos muchanan.

Un bar y cushina bon surti

Koffiemorgen

Lo tin: Weganan pa mucha, The joy bounce, The Smash Bam, Mini- Speurtocht, Popcorn, Cottoncandy y Grabbelton

Kapel y exposicion di “Vestuarionan Liturgico” lo ta habri pa publico.

Mini-vlooienmarkt
Mata
Entertainment

un grandioso feria familiar cu weganan special pa nos muchanan, The Joy Bounce, The Smash Bam,

mini speurtocht, popcorn, cottoncandy, grabbelton, mini vlooienmarkt, mata y entertainment.

Bini uno, bini tur, bin celebra Dia di Rey den famia y alabes coopera cu e dos organisacionnan aki!

Camara di Comercio a reuni cu Prome Minister Mike Eman:

KVK TIN BASE COMUN CU GABINETE AVP-FUTURO PA TRAHA RIBA SOLUCIONNAN DURADERO

Diaranson dia 23 di april, directiva di Camara di Comercio y Industria di Aruba (KvK) a asisti na un reunion importante cu Prome Minister mr. Mike Eman na Cocolishi. Den e reunion aki, Presidente di KvK, sr. Diederik Kemmerling, a enfatisa e rol esencial cu e organizacion di KvK tin den desaroyo economico di Aruba, representando mas cu 16 mil negoshi cu ta activo.

Kemmerling a expresa cu KvK ta mas cu solamente un registro pa comerciante; Camara di Comercio ta sirbi como un plataforma pa brainstorm riba e retonan real cu sector priva ta enfrenta, y ta busca hunto cu su

miembronan, solucionnan sostenibel. Ta comunica e posibel solucionnan aki na Gobierno pa por trece mehoracion cu impacto positivo pa tur hende.

Un di e preocupacionnan cu a adresa, ta e impacto cu por surgi cu e cantidad grandi di camber cu lo bin acerca den e lunanan nos dilanti. Esaki lo crea un necesidad urgente pa importa un cantidad grandi di trahado, locual por trece un peso extra riba e infraestructura basico, entre otro riba e sistema di Waste Water Management na Bubali Plas. Segun Kemmerling, esaki ta exige un solucion urgente y duradero.

Durante e dialogo, a trata



tambe topico di energia berde, cu ta un prioridad tanto pa Gobierno como pa sector priva. Tin base comun entre e plan di gobernacion di coalicion AVP-Futuro y e strategia

cu KvK ta propone, basa riba e deseonan di e empresa y negoshinan cu nan ta representa.

Locual a sobresali durante di e reunion ta un sentimento di cooperacion

y compromiso pa eleva Aruba na un nivel mas halto, cu un enfoque na solucionnan sostenibel, desaroyo economico y bienestar pa tur ciudadano.

PARLAMENTARIO XIOMARA MADURO TA CONDOLEER ARUBA CU PERDIDA DI E “VOZ DI ORO” SEÑOR JOSSY BROKKE



Parlamentario Xiomara Maduro a tuma nota cu Aruba su ‘Voz di Oro’ señor Jossy Brokke a bay descansa den brasa di Señor y ta desea di manda palabra di condolencia na su famia, tur hende cu a stim’e y na e mundo

artístico di Aruba cu ta perde un gran baluarte.

Parlamentario Maduro ta corda con como ex Minister di Cultura e tabata tin e honor di por a entrega Jossy un reconocimiento den

number di Fundacion Go Cultura, e premio Crioyo di Oro. Pa e ocasion special aki como mandatario di Cultura ela a canta un parti di Jossy su cantica “Mi Pais” den cual tin e plegaria pa reconoce bo yiu di tera, pa muestra su respet y aprecio special pa un composicion di Jossy cu ta toca hopi curason na Aruba.

Parlamentario Xiomara Maduro ta gradici Jossy pa su amor pa Aruba y ta desea su famia y amigonan hopi forza den e diano cu ta sigui. Cu Jossy su alma sosega den Paz di Señor.



Cas di Max
Mueble y mas

ANUNCIO

OPENING HOURS



Pa Dia di Rey

Open

Diasabra 26 april

**NOS TIENDANAN LO HABRI PA
SIRBI PUEBLO DI 9:00 AM PA 5:00 PM**



Check nos riba
social media
like y follow

Orario: dialuna 2 - 6pm | diamars pa diabierna 9 - 1pm • 2 - 6pm | diasabra 9 - 5pm
• Schotland str. 46 tel. 280-6080 •



699-5511

Partido MEP:

NEGOSIACION CU HULANDA NO TABATA UN “LOPENDE ZAAK”

DEBI NA E TARDANSA DI E FORMACION DI E GOBIERNO AVP-FUTURO Y FALTA DI
LIDERASGO, ARUBA LO SUFRI E CONSECUENCIANAN



ORANJESTAD - Diahuebs mainta, Aruba a lanta cu e noticia cu Secretario di Estado Zsolt Szabó a anuncia cu e interes riba e debe di covid lo subi, mirando cu no tin acuerdo dia 1 di Mei 2025. Parlamentario Evelyn Wever-Croes a expresa cu e noticia aki ta straña su persona mirando cu riba e prome dia di gobernacion di Gabinete AVP-FUTURO, señor Mike Eman, den parlamento riba 28 di Maart, a declara cu su persona lo bay di acuerdo cu e rijkswet. Y si e dia aki su persona tabata di acuerdo pa acepta e rijkswet dicon awe ainda nada no ta firma, mirando cu Secretario di Estado Szabó tabata na Aruba dia 8 di April 2025.

Durante su bishita Secretario Szabó tambe a bishita Parlamento, na unda tur miembro di Parlamento a pidi un “update” di e status di negociacion. Riba e peticion aki, Secretario

di Estado Szabó no a duna contesta y a inidca na Parlamento pa yama e gobernantenan aden pa duna e informacion riba esaki. Desde e dia aki Parlamento ta pidiendo Gobierno pa bin duna informacion riba e negociacion cu Hulanda pero ainda no a logra di haya e atencion necesario di nan.

Parlamentario Wever-Croes a indica cu e anuncio di subida di e interes riba e debe di covid ta logico, paso si como Gobierno bo no ta tuma responsabilidad, bo no ta muestra lidarsago, y bo no ta tuma decision, esaki ta e resultado cu bo lo haña.

“Mi ta lamenta cu algun media a dicidi di ataca Gabinete Wever-Croes II riba esaki. Nos a laga tur cos cla, esaki no tabata un “lopende zaak”. E formacion di Gabinete AVP-FUTURO a tarda demasiado largo, pues no bin culpa MEP aworaki, no

bin sconde bou di nos saya. Nos a laga e menu atras cu dos opcion, y e unico cos cu AVP-FUTURO mester

a haci ta sinta, tuma decision y actua segun e decision. Pero ainda nos ta wardando pa e Gobierno

aki tuma lidarsago y muestra responsabilidad”
Parlamentario Wever-Croes a expresa.

CASH DEN 3

Pa tempo limita!

**MAMILO BRIYA
CU UN REGALO DINOS
TUR DIA!**

electro ★

📍 Avenida Milio Croes 41 ☎️ (+297) 280-0222

Partido MEP:

PARLAMENTARIO WEVER-CROES A FIRMA E REGISTRO DI CONDOLENCIA PA PAPA



“Papa Francisco semper a pidi pa nos resa p’e. P’esey awe ban uni den oracion y resa pe. Cu papa Dios

tum’e den su Reino, cu Papa Francisco sosega na paz y cu Dios guia e iglesia catolico den e transicion”Parlamentario



ORANJESTAD – Diahuebs ultimo Parlamentario Evelyn Wever-Croes hunto cu Parlamentario Xiomara Maduro a bishita Pro Cathedral San Francisco pa firma e registro di condolencia pa Papa Francisco.

Parlamentario Wever-Croes a expresa cu Papa Francisco tabata un bon Papa y hopi stima rond mundo paso e tabata un lider carismatico y un bos pa esnan cu no tabata tin bos. Papa Francisco a purba di trece hopi cambio den e iglesia catholico pero lamentablemente e no a logra tur e cambionan cu e tabata desea.

Si tin dos palabra cu ta tipifica Papa Francisco, ta amor y compassion, y esey ta bisto den e tristesa cu ta reina rond mundo pa cu su partida. Parlamentario Wever-Croes a expresa cu pa su persona tabata un privilegio di por a atende un audiencia cu e Papa 6 aña pasa na Vaticano, na unda el a conta Papa Francisco di nos Birgen Maria y na unda Papa a duna un bendicion special pa pais Aruba.



MINISTER GEOFFREY WEVER TA BISHITA BANCONAN INTERNACIONAL NA WASHINGTON D.C

Washington D.C., 24 di april 2025 – Minister di Finansa, Economia y Sector Primario, Geoffrey Wever, hunto cu e delegacion consistiendo di Zulema Erasmus, Maria Dijkhoff Pita, Chito Paris y Emelien Kelly a tene reunionan cu diferente banconan internacional pa evalua e mercado di capital existente. Pa mas di 25 aña caba Aruba ta acudi na mercado financiero internacional.

E banconan tin acceso directo na
















inversionistanan institucional y conoce e prioridadnan di parti dje inversionistanan. Di otro banda, e banconan mester por comparti cu inversionistanan e ultimo desaroyonan cu tin na Aruba.

Demanda pa traha cu Aruba ta keda grandi. Mirando cu Aruba tin un gobierno nobo, banconan kier a tende kico e maneho nobo ta y ricibi informacion di algun aspecto specifico di e maneho financiero y economico di Aruba. Por a nota hopi interes

di e banconan y rating agencies pa Aruba.

Banconan a duna espacio pa minister Wever y e delegacion Arubiano expone e maneho financiero y economico pa e proximo 4 aña. Na mes momento minister Wever a ricibi e punto di bista di e banconan riba e situacion financiero y e expectativanan cu tin den e mercado pa e aña aki. Reunionnan a wordo teni cu Banco Santander, Deutsche Bank, JP Morgan y Standard Charter Bank. Diabierna lo continua cu CITI Bank, Moody's y Standard & Poors.



<div></div> <div>Paardenbaaistraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado: Sorteo di Merdia 🎡 - April 25, 2025</div>		
<div></div> <div>Sorteo # 4603</div> <div>5815</div> <div>7910</div> <div>5108</div> <div></div> <div>X2</div> <div></div> <div>Sorteo # 4603</div> <div>0778</div> <div></div> <div>X2</div> <div></div> <div>Sorteo # 2659</div> <div>0807</div> <div></div> <div>Sorteo # 4603</div> <div>7582</div> <div>Capricornio</div> <div></div> <div>Sorteo # 1477</div> <div>651</div> <div></div> <div>FP</div>	<div></div> <div>Sorteo #</div> <div>Joker Letter</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Proximo Jackpot</div> <div>380.000,-</div>	
<div></div> <div>Sorteo #</div> <div>Proximo Jackpot</div> <div>0 x Jackpot</div> <div>0 x Match 4</div> <div>0 x Afl 8,00</div> <div>150.000,-</div>		
<div></div> <div>Sorteo #</div> <div>Mega Ball</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50,00</div> <div>0 x Afl.15,00</div> <div>Proximo Jackpot</div> <div>260.000,-</div>		
<div></div> <div>Afl. 360.000,-</div>		
<div></div> <div>Sorteo #</div> <div></div> <div></div> <div></div> <div></div>		



ABOGADO DI DE MEZA: "TIN COS CU DE MEZA NO A VERDIENT SCHOONHEIDSPRIJS"

Ta admiti cu De Meza a haci cosnan cu no ta limpi of no corecto

E abogado di De Meza, Sra. Desiree Croes, a sali diabierna cu declaracionnan fuerte pa defende su cliente, pero alaves nos por constata cu tin algun frase unda el'a crusifica De Meza ma aun: Segun Croes,

"Tin cosnan cu no ta verdient schoonheidsprijsje", cual e kier bisa cu tin situacionnan di De Meza cu no ta limpi of corecto. Tambe el'a bisa cu tin informacion a yega DIMP – Pero, kiko exactamente? Ken a duna DIMP informacion? E pregunta ta keda sin haya contesta.

Pues, un of otro instancia a duna Dimp informacion riba de Meza, cu de Meza mes na prome instante no a duna, pero kisas despues cu el'a wordo confronta, el'a core duna. Tambe tin e disputa cu De Meza no a entrega aangifte –

Un hecho confirma pa DIMP, segun su abogado mes.

Croes hasta a "medio crusifica" supropio cliente, declarando cu e termino "schoonheidsprijs", cu ta muestra cu De Meza no tabata corecto i no tabata transparente cu belasting.

Sospecha? E abogado su propio palabranan ta confirma cu De Meza a actua robes of sospechoso

– un aceptacion impactante den e caso aki. E status ta cu Sra Desiree

Croes a bisa cu el'a manda un carta pa DIMP di 10 pagina y kier un contesta dialuna pa 3'or di atardi,

pero e no kier bay corte. E ta prefera pa regle for di corte.



Feliz Dia di Rey



SEGURIDAD PA ARUBA SU COMUNIDAD

PLUMA GANG VS TAXI BOYS DEN TORNEO 4X4!



Calabas/Kudawecha - Shonnan, e segundo bataya den e torneo 4X4 n’e palacio di pega piedra aya net n’e grens entre Kudawecha y Calabas lo tuma luga diasabra awor 26 di april, cuminsando pa 8’or di anochi, entre e ekiponan di Pluma Gang DT y Taxi Boys DT. Inicialmente, e di dos wega aki mester tabata entre PLuma Gang y e temerarionan di Ayo, esta Red Stone, sinembargo na ultimo momento e team di Ayo a bisa “goodbye” n’e torneo. E motibo dj’esaki claro ta

cuminda p’e chuchubinan di conspiracion, y ya caba den “wandelgang” tin yen sorto di “conspiracy theory” coriendo rond kico lo a pasa cu e piedranan cora di Ayo a bula ’fo. Nos lo keda pendiente y update! Asina pues, e prome encuentro, un berdadero thriller, a bay na favor di Biba Lekker DT kende estilo “cliffhanger” a sa di gana Sero Blanco cu score minimo di 21-20! Biba Lekker dus, ta clasifica dje moda aki p’e final cu lo tuma luga dia 3 di mei proximo. Ban wak awo

diasabra aki ken lo sali e contrincante di Biba Lekker den e gran final dje torneo 4X4 aya n’e mundialmente famoso Domino Square Garden. Manera semper, entrada pa pueblo en general lo ta completamente gratis, y durante halftime e snacknan lo lora totalmente por nada pa publico presente. Pues shonnan amante di bon domino, yega un yega tur diasabra awor 26 di april, cuminsando pa 8’or di anochi, p’e sambombaso di wega entre Pluma Gang DT y Taxi Boys DT! Yegaaa!

SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

PREGUNTA NA MIKE EMAN Y GERLIEN CROES TA CU SI NAN A CUMPLI CU LEY

Segun e ley cu ta regula integridad di candidatonan pa bira minister y ministernan ta papia di un (1) formado. Pero na Aruba nos conoce dos (2) formado, esta formado Eman y Croes. Kisas p’esey nos ta mira Eman so ta atende e asunto di Mike de Meza? Segun e ley aki hamas e formadonan por propone na Gobernador pa Mike de Meza ta un candidato pa bira minister si e no por a pasa e screening (articulo 2 te 8 inciso 1 di e ley) y conforme e mesun ley (articulo 8 inciso 2) mester a notifica de Meza por escrito cu e no a pasa screening “From Day One”

Asina de Meza na su turno por a dicidi di busca su derecho y bay corte fo’i masha dia caba

E ley di screening di minister ta hopi duidelijk y ta stipula exactamente kico e formadonan por haci y kico no. E ley ta bisa den un di su articulonan cu for di e momento cu un di e consehonan ta negativo riba un candidato pa minister, cu esaki no por wordo presenta na Gobernador (articulo 8 inciso 1). Tambe e mesun ley aki ta stipula e responsabilidad y deber di e formadonan pa notifica por escrito e candidato pa minister cu no a pasa e screening.

Pregunta ta keda cu si e pasonan aki stipula den e ley cu e propio parlamentarionan di e tempo ey na 2021 a aproba, awe na 2025 a worda ehecuta y cumpli cune. Ta parce te awo cu esaki no ta e caso, paso sino sr. de Meza lo por a

bay busca su derechonan ya caba fo’i basta dia na corte y no te awo cu ya tur otro minister a huramenta pa algun siman caba, paso e screening di sr. de Meza a cuminsa hunto cu tur e otro nan. Esaki ta significa cu e formadonan NO a cumpli cu nan deber segun ley y ta motibo tambe cu un carta lo sali pa Minister President Eman, invitando su persona pa bin responsabilisa y duna informacion na Parlamento di e pakico e formadonan no a cumpli cu ley y cu si ta e caso cu a cumpli, anto e ora dicon te ainda ta wardando ariba un decision di sr. de Meza ?

E tardansa aki den nombra un di 7 minister ta tumando demasiado largo y ta creando un irresponsabilidad di parti di e formadornan pa tin un gobierno competente pa atende cu e responsabilidad cu un gobierno digno mester por asumi.

Ya ta bay pa 5 luna cu e resultado di eleccion ta conoci y ainda e gobierno aki no por caba di keda completa pa asina asumi su responsabilidadnan.

E cartera di infraestructura ta asina importante pa e desaroyo di nos economia. Maneho di e propiedadnan di ex refineria ta asina crucial den e desaroyo di e area pariba di nos isla y muyen especial pa San Nicolas, mas ainda e desaroyo grandi cu ta activando awo cu e hotel ta bay habri pariba y cu e vision di un “San Nicolas Cultural and Heritage City” cu ta

hayando bida conforme e vision treci dilanti pa e ex minister di Turismo, Cultura y Infraestructura y actual parlamentario pa PPA, señor Otmar Enrique Oduber.

Di otro banda tin tur comprension pa sr. de Meza cu kier claridad y tin e derecho tambe di haya un trato husto y conforme e espiritu di leynan. Ley mester sirbi pa duna proteccion y siguridad legal pero tambe mester ta husto y cumpli cu su meta. Ley nan no ta wordo crea pa wordo uza den perhudica un persona of pa wordo interpreta s u b h e t i v a m e n t e . Mescos mester respeta



2021 no. 203

**AFKONDIGINGSBLAD
VAN
ARUBA**

LANDSVERORDENING van 17 december 2021 houdende regels betreffende de integriteit van kandidaat-ministers en ministers (Landsverordening integriteit ministers)

Uitgegeven, 22 december 2021

De minister van Justitie,
Veiligheid en Integratie, a.i.
J.H.E. Croes

Artikel 8	
<div>1. De formateur bevordert geen voordracht tot de benoeming van een kandidaat indien:<div>a. de voordracht zich niet verdraagt met de uitkomst van enig in artikel 2, eerste lid, bedoeld onderzoek;</div><div>b. de formateur zich niet kan verenigen met de afspraken, bedoeld in arti</div></div>	
<div>Pagina 8</div> <div>Afkondigingsblad van Aruba 2021 no. 203</div>	
<div><div>g. de kandidaat geen regeling betreffende de betaling van belastingen of premies heeft getroffen of een zodanige regeling niet of niet volledig is nagekomen;</div><div>2. Indien een kandidaat niet zal worden voorgedragen tot benoeming als minister, deelt de formateur hem dit zo spoedig mogelijk schriftelijk mee onder vermelding van de reden daarvan.</div></div>	

institutonan y spera di nan tambe cu nan ta actua na un forma ehemplar y obhetivo.

Durante e siman aki e carta lo sali pa asina e formadornan por trece claridad riba e proceso hiba. Cu si esaki a bay

conforme ley y cu si a cumpli cu e ley cu e propio ministernan actual a acorda como ley na 2021 ora na tawata asumi e cargo di parlamentario, incluyendo den e caso aki sr. de Meza cu tambe a vota na favor di e ley aki. Fraccion di PPA ya caba na cuminsamento di e

proceso aki di screening a muestra riba e hecho cu e ley ta bai hopi leu y cu un evaluacion y reconsideracion di no solamente e ley aki ta na su lugar, pero tambe di e ley di “kiesverordening” cu no cuadra cu e necesidadnan actual di 2025.

PARLAMENTARIO ENDY CROES:

PABIEN ARUBA CU BOSO LOGRA NA CARIFTA GAMES

Pabien Wyndel Beyde, Christiaan Jansen y Asher Patel y tur nos medayistanan di Aruba Aquatics Federation

Parlamentario Endy Croes den number di Fraccion MEP ta felicita henter delegacion deportivo cu a representa Aruba na e di 52 CARIFTA Games 2025 cual a tuma lugar na Trinidad & Tabago. Team Aruba tanto den natacion y atletismo a destaca y a regresa Aruba cu varios medaya. Den natacion medayistanan tabata Inald Fernandes Perna, Alyssa Ras, Leandro Santiesteban, Zayron Werleman, Ruben Mansur. Den freestyle relay edad 11-12 Leandro, Shine, Enzo y Zayron a pone un record nacional nobo garantizando medaya di plata y den relay 13-14 aña Jaythan, Gideon, Enrique y Ian Zion a logra medaya di brons. Freestyle relays 400m Vitali, Elise, Alyssa y Jayla a logra medaya di brons. Atletanan di Aruba cu a logra un medaya di ORO ta Leandro Santiesteban ORO den 200m breathstroke (boys 11-12), Zayron Werleman ORO den freestyle 200m

(boys 11-12), Ruben Mansur ORO den 200m Backstroke (boys 11-12). Aruba ta sali di 5 lugar overall den 19 pais cu a competi. Sigur un logro maravioso. Pabien Aruba Aquatics Federation, pabien tur atletanan cu a competi y pabien tur atletanan cu a gana medaya. Danki na tur coaches y staff cu a yuda prepara nos atletanan. Sigur danki na e mayornan y familiares cu ta brinda nan sosten incondicional. Pabien Team Aruba!

Aruba Athletic Federation (AAF) ta marca historia: Wyndel Beyde cu promer medaya di ORO den historia den atletismo. Den atletismo delegacion di Aruba Athletic Federation tambe a luci enormemente. Den careda di 5.000m, esta 5K den categoria U20 e rising star Wyndel Beyde ta logra gana e medaya di ORO y ta bira e promer medaya di ORO den historia di Aruba. Christiaan Jansen tambe un atleta prominente



di Aruba den e mesun careda aki ta sali na di dos lugar y ta gana medaya di plata. Pues Aruba a domina den e categoria aki y sigur e ultimo minuut tabata momentonan emocionante.

Den categoria di U20 distancia 1.500m Asher Patel ta logra un medaya di plata pa Aruba. Den un otro categoria U17 e hoben Eden Antersyn ta debuta den 800m y ta logra di 6 lugar. Pues den Track and Field Aruba ta logra 3 medaya uno (1) di oro,

dos (2) di plata. Esaki ta un ERA nobo pa Aruba. Awor un GPT Stadion ta completamente renoba cu un Track marca MONDO, e miho na mundo. Nos ta sigur cu nos atletanan lo bay sigui desaroya pa un otro nivel riba e tarima internacional. Un proyecto cu hopi dedicacion y pasion pa boso. Pabien AAF y pabien Team Aruba!

Un pabien di curason Como un ciudadano y actualmente Parlamentario cu ta pasiona y stima

deporte mi ta sumamente orguyoso di nos atletanan pa tur locual boso a logra y tabata momentonan di emocion cu mi tambe a biba hunto cu tur esnan cu a sigui e competencianan aki. E di 52 CARIFTA Games 2025 cual a tuma lugar na Trinidad and Tabago ta laga nos cu un sentimiento di alegria y orguyo profundo. Terminando cu e "motto" di inspiracion pa nos atletanan: 4D - Desire-Discipline-Dedication and Determination. Way to Go! Pabien di curason!

Abogado Desiree Croes ta exige:

DIMP MESTERCAMBIA SU NEGATIEF ADVIES PA POSITIEF: "DE MEZA MESTER BIRA MINISTER"

Abogado Desiree Croes, representante di Mike De Meza, ta exige oficialmente pa Departamento di Impuesto (DIMP) cambia su negatief advies riba De Meza pa un positivo – un cambio crucial pa De Meza finalmente por wordo nombra como minister.

Puntonan Clave:

- DIMP su dos cartanan di rechazo a pone un barera pa

De Meza su nombracion den e gabinete.

- Croes ta argumenta cu e informacion cu DIMP tin no ta completo of incorrecto, i ta insisti cu Dimp mester cambia su consejo den positivo

- E exigencia ta bin despues di declaracionnan di Croes cu "De Meza no a haci nada ilegal", pero ainda tin un carta NEGATIEF. E lucha pa puesto Ministerial:

Si DIMP no duna luz verde, De Meza lo keda for di e gabinete, segun e ley di screening. Pero si e consejo cambia pa positivo, e caminda lo ta habri pa su nombracion.

Kiko ta siguiente? DIMP lo tin cu duna contesta, sino lo existi e posibilidad cu e caso lo bay corte, unda De Meza ta hiba su propio gobierno AVP y FUTURO corte, den e caso aki mas tanto

FUTURO, cu ta encarga cu DIMP.



PEN BEK

Pa kualkier informacion
solodipueblo@gmail.com
of
585-9500